

广东通志

广

东

通

志

廣東通志卷一百二十四

甲子重刊

海防略二

中路海防

廣州府

廣州府連山北峙巨海東環秦末任囂謂尉陀曰番禺負山險阻南海東西數千里可以立國陀因此伯有南越陳蕭勃歐陽紇等後先據廣州而皆不克振者羽翼未成根本先撥也唐設嶺南經略使爲五管之樞要乾符末黃巢假息廣州而毒螫遍於天下天復初劉隱代有廣州且數十年國初分道取廣東廖永忠以海道之師至廣州旣下而

嶺南郡縣望風款服矣蓋不特爲廣東之根本亦

制廣西之肘腋也

方輿紀要

廣郡隸縣十有四而瀕海者南海番禺順德東莞  
新寧香山新會新安也曰屯門曰雞踏曰雞啼曰  
冷水角曰老萬山曰三門曰東洲曰南亭曰廣海  
曰沙灣曰黃圃曰急水曰沿柏皆廣郡衝險而虎  
頭門澳門南頭厓門爲要此防海之中路也 廣  
州海勢浩渺盜寇靡常前明所患日本諸島多自  
閩趨廣柘林爲東路第一鎖鑰使先會兵守此則  
可以遏其衝而不得泊矣其勢必越於中路之屯  
門雞棲佛堂門冷水角老萬山虎頭門等澳而南



頭爲尤甚或泊以避潮或據爲巢穴使添置重兵  
預爲巡哨則必不敢泊旣不敢泊則其勢必厯峽  
門望門大小橫琴山零丁洋仙女澳九竈山九星  
洋等處而其西浪白澳爲尤甚乃番船等候接濟  
之所也使添置兵船預爲嚴哨則亦不敢泊其勢  
必厯厓門寨海門萬斛山硇洲等處而其西望峒  
澳爲尤甚乃番船停畱避風之門戶使添置兵船  
預爲巡哨則并不敢泊矣夫其來不得停泊去不  
得接濟則海濱居民不皆安枕而卧哉

府志

省城北礮臺五曰保釐永寧耆定保極拱極城南  
一曰海珠城東一曰東水城西三曰西寧西關永

清

縣志

又礮臺三曰石灣銀帶沙白鷺洲

司案

謹案礮臺營造年分始末歸建置門者居多而海防悉著其名以備互校凡附城之臺不列

番禺縣

獅子營在縣東南礪山石子頭前康熙十三年築

城置墩

大清一統志

縣屬礮臺四曰烏豬岡龍灣獵德龜岡

司案

新安縣

官富巡司在縣東南八十里古官富場宋史景炎二年帝舟次於此後改爲砦明洪武三年置巡司

今遷赤尾村 大鵬所城在縣東一百二十里大鵬嶺下明置南面大海東至海岸一里縣志城周三百二十五丈六尺門三環以濠

本朝順治十三年設守備駐防康熙四年裁所九年

復設

一統志 大清

陶娘山在大鵬東南抵惠州界

包拱如城內容艨艟數十艘先年寇據島險海道何公用鄉耆民歐陽景昭等議壘石寨之南頭寨在縣東南海口爲一府門戶本屯門鎮故址唐書地理志廣州有屯門鎮宋時亦置營壘曰屯門砦明洪武三年併入固戍砦後改爲南頭寨設參將鎮守



本朝因之 照得新邑爲省會藩籬則沿海臺寨尤  
爲吃緊展界之後奉設邊防除瞭望臺外西至茅  
洲碧頭南由屯門東抵大鵬凡險要處所額設臺  
寨一十二座每座屯兵三五十名更番防守間有  
海曲山紆鄉圍遼闊之處仍復錯置營盤星羅碁  
布設防之密無踰於此壬子秋屯門告警一呼而  
兵民奮擊渠黨盡俘所謂設險以守民忘其勞者

縣志

縣屬礮臺六曰泥滸山九龍寨大嶼山赤灣左右

南頭寨

司案

東莞縣



南海衛在縣治南洪武十四年建

大清一統志

厓

門虎門澳門三隘爲全粵障蔽而虎門尤爲險要

府志

虎頭門砦在縣西南五十里水砦也明置

本朝設副將防守又武山砦在縣南武山與虎門相

應援又白沙砦在縣西南三十五里白沙村近三

門海

大清一統志

虎頭門以虎山得名山有二西

曰小虎山東曰大虎山稍折而東南右橫檔山左

南山相距五六里巋然雙闕而海出入其間界中

外故曰門橫檔山首尾樹礮臺二高水面約五十

仞南山礮臺一可三仞及水俱宿目兵焉循南山

下十餘里三門礮臺一三門者山前突二石插波

劃爲三也曰兵如各礮臺數橫檔南三十里許爲龍穴山先置汎哨今廢虎山內外重洋而門當其最深流處番舶及內郡巨艚必由以入絕獅子洋

達廣州海函谷關也

嶺海名勝記

虎門大小哨船四

十六水汎四十一曰虎門曰南山曰橫檔曰三門曰黃茅洲曰碧頭曰大涌口曰軍鋪曰楊公洲曰梁鴉橋曰大汾曰白布曰到塢曰望牛墩曰到濬曰黃角左口曰右口曰武山曰泗會涌曰雙岡曰亭步曰鎮口曰鳳涌頭曰槎濬曰牌樓角曰蕉門曰白藤濬曰市橋曰蝦窩曰深涌曰大龍口曰石子頭曰蚊洲曰獅子塔曰四沙曰新造口曰地亭

曰黃埔曰濫尾曰藤涌曰稍潭老萬山自雍正七

年輪遣香山虎門大鵬三協營官兵屯戍至乾隆

八年設海防同知於前山寨

澳門紀略

諸番入貢舩

艍往來出入必經虎門橫櫓波濤際天排山撼嶽

漁船欲避其險多從三礮臺亭步遠蕉門白藤濬

往時盜賊出沒其間今者世際昇平海外清晏然

武備不可稍弛余故有復舊寨設槳船之議

錢以壇嶺

海見

縣境海道之備有南頭屯門雞棲佛堂門

十字門冷水角老萬山伶仃洋等嶼皆有哨兵戍

守

方輿紀要

增城東莞茶濬十字濬番禺三漕波羅

海南海仰船岡茅濬順德黃涌頭香山新會白水



分水紅等處皆盜賊淵藪也盜賊多駕高頭小艇藏集兇徒肆行劫掠甚至殺傷人命莫可追究故受害之多不以聞於上官民船隻莫此爲困矣爲今之計莫若通行各縣責令沿海居民各於其鄉編立船甲長船甲副長副不拘人數惟其船之多寡一依十家門牌循序應當如船二十隻總統於船甲長內以十隻分統於船甲副其各船仍於船尾航外小書某縣船某甲下某人十字翻刻墨填以爲記認其甲長甲副各置簿一備載鄉中船數并某樣船隻某項生理一一直書每歲具呈於縣以憑查考凡遇強徒劫打之人識認其船卽時投

甲長船副上緊鳴鑼追究俾遠近皆知其無字號者卽係爲非不拘地方人等各許拏送

明戴璟禁約

縣屬礮臺五曰沙角山新涌口鎮遠橫檔大虎山

司案

### 香山縣

濠鏡澳前明設有提調備倭行署三今惟議事亭不廢 前山寨北距縣一百二十里而遙南至澳門十有五里而近明天啟元年始立參將府

國初因之康熙三年改爲副將府未幾以左營都司

代

何準道曰康熙七年秋海賊從寨右登岸攻劫果福園村副鎮遂請移駐縣城坐令扼塞之地

武備損威

建土城雍正八年設縣丞署乾隆九年建廣

州府海防同知署於副將府地旁增兵舍百間以  
縣丞署爲海防營把總署而前山之勢益重 蓮

花莖萬厯二年莖半設開官司啟閉上爲樓三間  
歲久圯康熙十二年知縣申良翰修增建官廳於  
旁以資戍守 老萬山多伏莽雍正七年兩山各

設礮臺分兵戍之及瓜而代與大嶼山屯哨爲犄

角則澳門虎門之外蔽也

澳門紀略

廣省左捍虎門

右扼香山而香山又爲順德新會之外護港汊四

通奸匪殊甚有心者不可泛視

海國見聞錄

東濠口

之西曰縣港口當香之西北爲往來要道縣港口

極南曰第一角爲西南門戶昔花茂曾守此 三



龜山在城南三百里元海寇劉進據之縣志成化以

後有官軍戍此方輿紀要黃梁都城方一里都司戍

之澳門紀略斗門墟土城一縣志

縣屬礮臺前山營三在土城西南門上及二門外

斗門墟內河七日港口上開下開威遠永固犁頭

嘴疊石又蕉門山錦澳六日東望洋咖斯蘭三巴

南灣西望洋娘媽角澳門紀略縣志司案澳門有三龜礮

臺又有涌口門礮臺磨刀灣礮臺黃梁都東

有大托小礮臺虎跳門有東西礮臺黃標海防圖

順德縣

磨刀海營在縣西北五十里北通南海西林上游

卽莊步爲江水之衝明嘉靖初置又黃涌頭營在縣西北七十里據縣上游當諸海之衝南扼三曹東控疊石

大清一統志

丁卯志云順邑要害有三

一石金剛海口一新濠海口一太平海口三者皆邑之門戶太平逼近海洋曠蕩無蔽嘉靖壬子壬戌兩歲海賊皆由此徑入越城劫庫虜掠居民知縣李有則始作木柵柵外暗櫓參差守以戈船賊不得入胡友信修之萬厯七年沈鐵以期會往府戈船衛行適賊船三十餘突入東畔居民惶怖一船閣於櫓眾船回救而去始知柵之功云十二年葉初春益增修之柵自大良寨前沙至小灣田

五山

志 縣屬礮臺三曰大圍涌大洲雞公石 司案

新會縣

厓山在新會南山有兩厓對峙海潮出入宋紹興

間常置戍衛 元吳萊南海古蹟記

厓門新東礮臺一 司案 厓門有東西礮臺 黃標海防圖

新寧縣

廣海衛在縣西北十里本新會縣地宏治中改屬

新寧 大清一統志 水師中軍遊擊守備駐劄所 營冊

潭滘河在新寧縣逕逶迤三十里上通上川下川以至廣州下通廣海大洋以出銅鼓角背口子設礮臺若干戍以水軍寇至不得入又不敢越我而